



KANUKOKA

Kalaallit Nunaanni Kommunit Kattuffiat • De Grønlandske Kommuners Landsforening

Til: Inuussutissarsiornermut, Aatsitassaqaarnermut
Suliffeqaarnermullu Naalakkersuisoqarfik
Imaneq 1A 301
Postboks 1601
3900 Nuuk

Ulloq/Dato: 02-12-2013
J.nr. 74.02.K04.1.13

Att:

Tanbreez Inc.-mit Killavaat Alannguanni Kommune Kujallermi aatsitassanik qaqtigoortunik paaanissamut akuersissuteqartoqarnissaanut qinnuteqaatip Licens-ip 2006/04-p tusarniaassutigineqaarnerani akissuteqaat.

KANUKOKA-p Kommune Kujalleq, Qaasuitsup Kommunian aamma Qeqqata Kommunian peqatigalugit paasissutissat tusarniaanermut atatillugu nassiunneqartut, - Tanbreez-ip Killavaat Alannguanni aatsitassanik qaqtigoortunik iluaquteqarluni paaanissamik qinnuteqaataa, Licens-imut 2006/04-mut tunngasoq, - misissuataarsimavaat. Kommuneqarfik Sermersooq aamma Kommune Kujalleq kommunitut angerlarsimaffiusutut nammineerlutik tusarniaanermi akissum-mik nassiussiniarput.

Paasissutissat Aatsitassanut Ikummatissanullu inatsimmi allaaserineqartutut suliniummi avatangiisinut kingunerisussanik naliliinermik (VVM) aammalu suliniutip inuiaqatigiinni ingerlatsiner-mi piujuaannartitsinermik kinguneqartumik suliniummik ingerlatsisinnaanermik naliliinermik (VSB) imaqarpoq.

KANUKOKA-p nalilerpaa iluarisimaagassaasoq aatsitassarsiornikkut suliniutip taamatut ittup kommuninut aningaasarsiornikkut kingunerisassaasut naatsorsuutigisaasut eqqarsaatigalugit. Suliniut naatsorsuutigineqarpoq kommunip aningaasarsiorneranut pitsaasumik kinguneqassasoq, tassami aatsitassarsiorfiup nammineq saniatigut sumiiffimmi namminermi inuussutissarsiorneq ataatsimut isigalugu annertuseriaateqassasoq naatsorsuutaamat, taamaasillunilu aamma suliffissaqartitsinermut pitsaasumik kinguneqassalluni. Aatsitassarsiornikkut suliniut annertoq, uani pineqartutut ittoq Kalaallit Nunaanni inuussutissarsiuutinik nutaamik aallartitsiortulernermut per-rassaataassaaq.

Arlaleriarluni naqissuserlugu oqaatigineqartarpoq aatsitassat uani piiarneqartussat imatut anner-tussuseqartut allaat "kinguaariinni arlalinni" aatsitassarsiornissamut tunngavissarissaartoq. Taamaakkaluatorli inuiaqatigiinnut avatangiisinullu kingunerisassanik naliliinermi ukiuni qu-lingiluani pisussat kisiisa sammineqarput. Maqaasineqarpoq tunngavilersuineq, sooq nalilersui-nerit pineqartut piffissamut taamak sivikitsigisumut taamaallaat tunngatinneqarsimanersut eqqarsaatigalugu, piumasaaqateqartoqartariaqarporlu apeqqutinut pingaarnernut tunngatillugu, soorlu assersuutigalugu aatsitassat sinnikuinik eqqagassanik katersuiffissap pisinnaasaasa anner-tussusissaat aatsitassarsiorfissap paaaffittut atuuffigisinnaasaatut nalilerneqartumut tamarmiu-sumut naliliinerunissaa eqqarsaatigalugu.

VVM-imik nalunaarummut ilanngussartalimmut oqaaseqaatit.

Nalunaarut pingaarneq aallartinneqarpoq suliniummik allaaserinninnermik, suliniummut taassu-malu ilusilersorneqarneranut paasinnilluarnissamut aqqutissiuussilluartumik.

Ilisimaneqartut KANUKOKA-p pingaartitaraa teknikkimut tunngasuunngitsumik eqikkaane-rup paasissutissanik pisariaqartinneqartunik imaqarnissaa, innuttaasut teknikkimut tunngasutigut paasinninnissamut periarfissaqanngitsut ilumoortumik tamakkiisumillu pissutsinik suliniutip avatangiisinut kingunerisinnaasai eqqarsaatigalugit paasissutissinneqarsinnaaqqullugit. Pingaar-nertullu Tanbreez pillugu nalunaarussiaq piumasaaqaammik tamatuminnga naammassinnippoq, taamaattorli amigaatit immikkoortuni tulliuttuni pineqartut eqikkaanermi ersersinneqartariaqarlutik. KANUKOKA-p aammaarluni kaammattuutigeqqiniarpaa Teknikkimut tunngasuunngitsumik eqikkaaneq tamanut takusassiarineqartassasoq, taamalu innuttaasunut illoqarfinni aammalu isor-liunerusuni pissarsiariuminarnersinneqassasoq.

KANUKOKA ataatsimut isigalugu isumaqarpoq apeqqutit pingaarnerit VVM-imi sunaassusiler-neqartut suliniutip avatangiisinut sunniutissai eqqarsaatigalugit naatsorsuutigineqarsinnaasunut naapertuuttut, taamaattorli ataatsimut isigaluni paasissutissanik tunuliaqutaasunik aallersinnaa-nermut periarfissat maqaasineqarput aammalu teknikkimut tunngasunik suliani naatsorsuinerit tunuliaqutaasut pillugit paasissutissat maqaasineqarput, immikkut ilisimasallit arlaannaan-nulluunniit attaveqanngitsut soqutigisaqaqatigiillu nalunaarummi eqikkaanernik suliarineqarsi-masunik naliliisinnaaqqullugit.

Immikkoortuni arlalinni misissuinerit suliarineqarsimasut naammangillat nammaginatsumik tunngavilimmik aalajangiinissamut.

Aatsitassat sinnikuisa katersorneqarneri

Sumiiffimmi avatangiisit ajortumik sunnerneqarsinnaanerannut aarlerinartooq annerpaaq tas-saavoq aatsitassanik piiaanermi eqqagassat aatsitassat iluaqutigineqartussat immikkoortitserer-nerisigut sinnikut toqqortorneqarneri. Sinnikut eqqagassat pinngoqqaatinik avatangiisinut ulo-riaanaateqarsinnaasunik akoqartarput. Taamaattumillu aalajangiisuvoq VVM-ip tamakkiisumik eqqortumillu ersersitsinissaa avatangiisinut piffissaq qaninnerusoq ungasinnerusorlu isigalugit sunniutaasinnaasut eqqarsaatigalugit, sinnikut eqqagassat qanoq passunneqarneri apeqqutaallutik periaatsit assigiinngitsut periaaserineqarsinnaaneri eqqarsaatigalugit.

Ingerlatseqatigiiffiup VVM-imut nalunaarummini taamaallaat aatsitassarsiornermi eqqagassanik sinnikunik Fostersø-mut eqqaanissaq nalunaarsimavaa. Periarfissat allat, soorlu sinnikut eqqagassat isugutsertinnagit toqqortorneqarsinnaaneri naammattumik misissorneqarsimananilu allaaserineqarsimanngilaq. Piumasaaqaateqartoqartariaqarpoq periarfissat allat nalilersorneqarlutillu allaaserineqassasut, aammalu "immikkoortumi siullermi" piiaanerup saniatigut aatsitassat nassaassaasut tamakkerlugit piiarneqarnerisa kingunerisassaasa tamakkiisumik nalilersorneqar-nissaat.

KANUKOKA isumaqarpoq Foster sø-mut aatsitassat sinnikuisa eqqagassat inissinneqarnissaan-nut tunngatillugu kingunerisassai arlalitsigut amigaateqartumik allaaserineqarsimasut.

Tabel 9-6 –imi ersippoq Fostersø-mi aatsitassat sinnikui eqqarneqartut annertussusiat ukiumi siullermiit ukiut tallimaannut qaffakkiartussasut, kisiannili mingutitsineq tamatuma saniatigut annertuseriassanngitsoq. Tamanna nalinginnaasumik eqqarsartaaseq atoraanni taamaattussatut ilimanaateqanngilaq; Aatsitassat sinnikui eqqakkat annertusiartortillugit tatsip itissusia annikilliar-tussaaq, eqqakallu imertami minnerujartuinnartumi annertuneruleriartussallutik. Tamatumalu kingunerisaanik akuutissat sinnikui katsersorneqartut imertaminermi annertuneruleriartussallutik.

Eqikkaaneq ilaatigut piiakkanit sinnikut kuummi ammut kuugussaasut ilaatigut aqerloq piffissap ingerlanerani assigiiginnassasut, kommunit isumaat naapertorlugu kukkusumik paasinninnermik tunngaveqarpoq, (aammalu nalunaarusiami pissarsiarineqarsinnaasumi ataatsimut isigalugu up- pernarsarneqanngilluinnartumik) aatsitassarsiornermi sinnikut toqqortorneqartut nikissinnaas- suseqanngitsut, taakkualu imaanut mingutitsissanngitsut, sinnikunik allanik qallerneqareerner- mikkut.

Isiginiaraanni figur 6.7 naapertorlugu tatsimi sakortuumik sarfartumik qaleriiaarisoqartangitsoq juni qaammat, kiisalu minnerpaatut upernaakkut ukiakkullu tatsimi imertap aalaterneqartarnera, kiisalu anorersuartigut, summiiffimmi atuuttartutigit, naatsorsuutigisariaqarpoq aatsitassat sin- nikui tatsip imertaani pineqartumi aalatserunneqartassasut, akuutissallu annertussusii piffissami tatsip Foster Sø-p eqqaavittut atorneqarnerani qaffakkiartussasut.

Tatsip pineqartup sananeqaatimigut allanngorarsinnaassusianik misissuinerit naammattumik pit- saassuseqanngillat, tatsip kuullu allanngorartumik periaaseqarneranik takutitsissallutik, aammalu sinnikut tatsimut toqqortorneqartut qanoq tatsimi namminermi pissusilersussanersut eqqarsaati- galugu.

Nalunaarummi allaaserineqarpoq qanoq pisoqarsinnaanera "sikup simiusup" ammarnertigut tas- sanngaannaq tatsip imaanik kuummut aniasoqariasarsinnaaneranik kinguneqarsinnaasoq. "Ajutoorneq" taamaattoq tatsip imaanik aniasoqariasoorneranik kinguneqartoq tatsip naqqani inissisimasunik aniasoqarneranik kinguneqassaaq, ilaatigut sinnikunik pineqartunik kuummut aniasoqarneranik kinguneqartumik, kuummillu eqaloqarfiusumik mingutitsinermik ilaatigut kin- guneqassalluni. Taamatut pisoqarsinnaaneranut tunngasumik naammaginartunik uuttortaaneqan- gilaq, misiligutissanilluunniit tiguisoqarsimanani, aammalu Ingerlatseqatigiiffik kommunit isu- maat naapertorlugu allaaserineqartutut pisoqarsinnaanera "qaqutigoortutut" oqaatigissallugu pis- sutissaqanngilaq, - sikup simiusup allaaserineqartutut qaartoortarnera taamatulli ilimanaateqar- tigtisinnaavoq ukiut tamaasa uteqqinneqartartumik pisartuusinnaanera.

Atuarneqarsinnaavoq erngup pitsaassusissaanut killiliussat tatsimi eqqortinneqartariaqanngitsut, kisianni piumasqaateqartoqartariaqarpoq kuummi pineqartumi tatsimilu eqqortinneqarnissaat, allaaserineqartutut kuummi eqaloqarfimmi taamaallaat pinnani.

Akuutissat tatsimi annertussusiat naatsorsuutigisariaqarpoq ukiukkut tatsip imermik nutaamik immerneqarfigisangisaani annertunerpaassasoq. Taamaasillunilu akuutissat ulorianaateqartus- satut naatsorsuutigisariaqartut equaluit tatsimi ukiineranni annertunerpaasassallutik.

Paasissutissani tamani akuutissat ataatsimut eqikkaalluni annertussusiat taamaallaat sammi- neqarpoq. Aqerloq aatsitassallu allat nungukkiartortanngimmata imaluunniit piffissap ingerla- nerani peeruttanngimmata, tamakkua pinngortitami avatangiisini katersuusimassapput suliniutip

aallartinneraniit suliap unitsinneqareernerani ukiut arlalissuit qaangiunnerannut. Taamaattumillu sulii annertusiartuinnartumik kuuk aammalu kangerluk sunnerneqassapput, annertussutsit taamaallaat sammineqarnerisigut naliliiffigineqanngitsumik. Taamaattumillu piumasaqaateqartoqartariaqarpoq mingutitsinerup tamakkiisumik annertussusissaanik nalilersuisoqassasoq, suliniutip atuuffissaanut piffissamut tamarmiusumut atatillugu, kingunerisassai ilanngullugit.

Eqqagassanut aniatinneqartussanut atatillugu taamaallaat aatsitassat sammineqarput. VVM-imut nalunaarusiaq tigussaasunik paasissutissanik imaqaanngilaq akuutissat qanoq ittut sinnikuni eqqagassani nassaasaanersut pillugu, tamatumunnga ilanngullugu sinnikut eqqakkat qanoq annertussuseqassanersut, akuutissallu qanoq ittut pineqarnerisut eqqarsaatigalugit. Immikkut ilisimasallit arlaannaannulluunniit attaveqangitsut taamaattumik uppersaatissarsiorsinnaanngilaat, VVM-imut nalunaarummi oqaatiginiarneqartoq mingutitsineq piffissap ingerlanerani aalaakkaasunnugussasoq.

Pilersaarutaasumik takussutissiorluni allaaserinnittalernissap taamaattumik ajutoornerit taamaallaat paasissutissiissutigisinnaavai, - mingutitsinerilli pinngoreersut peersinnaanagit. Mingutitsinerisinnaasut piffissami sivisoorujussuarmi atuuttusaapput, Foster SØ kuummut kangerlummullu mingutitsiusussaammat, kangerlummot annikitsuinnarmik imartamigut taarserneqartarmut, avatangiisit sannaat pissutigalugu.

KANUKOKA-p paasissutissat saqqummiunneqarsimasut tunngavigalugit taamaattumik nalorninartoqartippaa aatsitassanik sinnikunik Foster SØ-mut eqqaanissaq avatangiisinut illersorneqarsinnaanersoq, taamaattumillu periarfissamik allamik inassuteqarusulluni: sinnikunik masatsinnagit qaaruummi namminermit toqqortuisinnaaneq ersarinnerusumik misissorneqassasoq.

KANUKOKA-p kaammattuutigissavaa Ingerlatseqatigiiffik pisussaaffilerneqassasoq suliariluakkamik nalilersorluakkamillu misissuissasoq aatsitassarsiornermi sinnikut eqqagassat panertumik isumannaatsumillu toqqortorneqarsinnaanerat eqqarsaatigalugu, kommunit isumaat naapertorlugi suliniutip avatangiisinut tunngasunik isikkuanik pitsanngortitsisussamik, aammalu ilisimatuussutsikkut pitsaanerumik uppersaasersukkamik aatsitassat sinnikuinik tatsimut eqqaasinnaaneq nalilersortinneqassasoq.

Pujoralak:

Ilisimatitsissutigineqanngilaq aatsitassarsiorfimmiit pujoralaap sunik akoqarnera, aammalu ajornartorsiutitaqarpoq eqikkaasoqarmat *"pujoralaat siammartitserneqarnerat annikitsuussasoq sumiifimmillu tamaallaat attuumassuteqassalluni, aammalu toqunartunik akoqassanani"* (qup.12), paasissutissanilu allani naatsorsuinerit takuneqarsinnaallutik pinngoqqaat toqunartoq, cadmium aamma aqerloq. Akuutissat fluor, fosfor, nitrogen aamma allat eqqartorneqanngillat.

Figur 9.1 –mi ersippoq akuutissat aatsitassarsiornermeersut annertunerpaamik 5 km angullugu siammartitserneqartartut, - kisitsit taanna tupaallannartumik mikivoq.

Iluseq naatsorsuinermit atorneqartoq naapertorlugi akuutissat silaannarmiittut takutinneqanngillat, taamaallaalli nunamut nakkaasut.

Eqqagassalerineq

Qup.30: KANUKOKA-p eqqumiigaa Kommuneqarfik Sermersuumi eqqagassalerinermut iliuussissatut pilersaarut innersuunneqarmat, uffa suliniut Kommune Kujallermittoq. Sooq taanna toqqarneqarsimanersoq pillugu nassuiaatitut allaaserinninneq maqaasineqarpoq, taamaakkaluartorli piunasaqaataasariaqarpoq Kommune Kujallermi eqqagassalerinermut periarfissat nalilersuinermi ilanngunneqarnissaat, periarfissatut allatut.

Naggasiullugu tikkuarneqassaaq suliniutip unitsinneqarneratigut matusinissamut pilersaarut naammaginangimmat, taamaattumillu Aatsitassanut Ikummatissanullu Aqutsisoqarfik piunasaqaateqartariaqarpoq matusinissamut pilersaarusiamik suliarilluakkamik.

Inuiaqatigiinnut piujuaannartitsineramik kinguneqartumik ingerlatsineramik naliliineq – VSB

VSB-ip innuttaasut aalajangersaasartullu takussutissittussavai suliniutip inuiaqatigiinnut qanoq sunniuteqarnissaa pillugu, aammalu qanoq iliornikkut pitsaanngitsumik sunniutaasinnaasut kililersimaarneqarsinnaanersut, aammalu sunniutaasut pitsaasut qanoq iliorluni nukit-torsarneqarsinnaanersut.

VSB uani saqqummiunneqartoq kommunit isumaat naapertorlugu pissutsinik inuiaqatigiinnut sumiiffimmi aatsitassarsiornermik ingerlatsinikkut atuutilersinnaasut eqqarsaatigalugit tamakkii-sumik ersersitsinngilaq, aammalu suliniutip sumiiffimmi pineqartumi nunarpullu ataatsimut isigalugu suliniutip kingunerisinnaasaanik ersersitsinani. Taamaattumik KANUKOKA isumaqarpoq VSB immikkoortutigit assigiinngitsutigit itisilerneqartariaqartoq aaqqissuuteqqinneqarlunilu.

Suliniutip avatangiisinut tigussaasumik aaqqissuunneqarnera (atortulersuutit) ilaannikkut inuiaqatigiinni aningaasarsiornikkut inooriaatsimullu sunniutit aammalu suliffeqarnikkut sunniutaasussat eqqarsaatigalugit annertuunik kinguneqarsinnaasarpog. Assersuutigalugu aatsitassarsiorfimmiit illoqarfimmut toqqaannartumik aqqusinniorsinnaaneq imaluunniit aqqusinniunnginnis-saq sumiiffimmi sulisartunik sulisoqarnissamut sulisunillu tigungminniinnarsinnaanermut sunniuteqarsinnaavoq. Sulisussat sumiiffinit namminernit aggersut ulluinnarni inuunerat anner-tuumik pitsaanngitsumillu sunnerneqarsinnaavoq, sulisarneq piffissamut sivisuukkaamut ilaqtat qimallugit ingerlanneqartussanut agguataarneqarsimappat, piffissanut aalajangersimasunut agguanneqarsimasumik.

VSB-ip ataatsimut isigalugu sumiiffimmi inuiaqatigiinnut kingunerisassai ersersaavigisariaqarpai, suliniutillu qanoq aaqqissuunneqarsinnaaneranut periarfissanik assigiinngiiaartunik tikkuussilluni, tamatumunnga ilanngullugu qinigassaasinnaasunik inassuteqaatinillu ilaqarsinnaal-luni. (nukissiuuteqarneq, innaallagissiorfik ikummatissamik atuisoq / ernup nukinganik nukissi-uutilik, eqqagassalerineq, aatsitassamik suliareqqiisarfiup sumi inissinneqarnissaa il.il.) Aalajan-giiffigisassat suliasaqarfinnut kommunimit ingerlanneqartunut tunngasut aalajangiiffigineqarta-riaqanngillat sumiiffimmi pisortat oqartussaasui isumasiorneqareersimatinnagit, aammalu sulias-

sat kommunimit suleqatigiilluniluunniit ingerlanneqarsinnaanersut nalilersorneqareersimatinnagu (assersuutigalugu eqqagassalerineq).

Pisortat kiffartuussinerisa aatsitassarsiorfimmik ingerlatsisoqarneratigut annertunerusumik pi-umaffigineqalernissaat VSB-mi naammattumik qulaajaavigineqarsimanngilaq. Tamanna atuup-poq assersuutigalugu assartuissutaasartut pi-umaffigineqarnerulernissaanni, peqqinnissaqarfik, politiit aamma eqqartuussiveqarneq kiisalu kommunimi nalinginnaasumik innuttaasunik sullis-sineq eqqarsaatigalugit.

VSB imaqartariaqarpoq pissutsit assigiinngiaartut sumiiffinni inuiaqatigiinnut aningaasarsior-nikkut kingunerisinnaasaasa assigiinngiaartut periarfissalersorlugit saqqummersinneqarneran-nik.

Ersernerluppoq VSB-mi suna pineqarnersoq eqqartorneqarmat ”sumiiffinni sulisorisat ikiortit”. KANUKOKA-p pingaartippaa nunarput tamaat sulisussaqaarniarnermi ujaasiffiusinnaasutut ata-at simut isigineqassasoq, imatut paasillugu, Ingerlatseqatigiiffik aatsaat nunanit allanit sulisus-sarsior-tassasoq nunatsinni periarfissat tamarmik ujaasiffigineqareeraangata. VSB amigaateqar-poq tigussaasumik nalilersuiner-mik Tanbreez-ip aatsitassarsiorfiata uani pineqartup aatsitassarsiorfi-illu pilersinniarneqartut allat inuiaqatigiinnut qanoq sunniuteqassanersut eqqarsaatigalugu, inuiaqatigiit tamakkiisumik iluaquteqarsinnaanerat, assersuutigalugu suliffeqarnikkut sumiiffin-nilu pineqartut inuussutissarsiornermik ingerlatsisut eqqarsaatigalugit.

Sillimaniarnermut pilersaarutit suliareqarneranni kommunimi annaassiniarnissamut upa-lungaarsimanissamut oqartussaasut, politiit aamma / imaluunniit suliassarfimmut immikkoortu-mut Kalaallit Nunaanni oqartussaasut, - upalungaarsimanissamut piareersimasuusut pioreersut eqqarsaatigalugit, aammali sumiiffinni susassaartut annertunerpaamik peqataasinnaaqqulugit.

Sulisussanut inuussutissarsior-tunullu najukkami pineqartumeersunut tunngasumik taakkualu kingunerisassa- at eqqarsaatigalugit allaaserinninnerit naammattumik qaammarsaavigineqarsimangillat. Maqaasineqarpoq pitsaanerusumik kinguneqartitsisinnaaneq tapersersuisinnaanerlu pillugu siunnersuusiortoqarnissaa.

Aatsitassarsiornermut atatillugu ilinniartitaanikkut suliniutaasussat eqqarsaatigalugit siun-nersuutaasuni maqaasineqarpoq aatsitassarsiorfimmik sulisuulerumaartut qanoq iliornikkut sulif-fimminni qaffakkiartorsinnaanerat pillugu pilersaarusi-orneq, taamaaliornikkut isumannaarniar-lugu sumiiffimmit namminermit sulisuulersussat suliassanut oqinnerpaaginnarnut innersuun-neqartanginnissaat, kisiannili ingerlaavartumik piginnaanngorsarneqartarnissaat taamalu suli- assan-ut pi-umasaqarf-unerujartortunut piukkunarsarneqartarnissaat.

Nalunaarummi immikkoortunut aalaangersimasunut oqaaseqaatit

Immikkoortoq 6.4-mi Paasissutissarsiffiit allat, Kalaallit Nunaannut tunngasumik paasissutissat pisortatigoortut, Nuuk aamma TANBREEZ-ip aatsitassarsiorfia. Tassani naatsorsuutigineqarpoq allassimassasoq ”..Kalaallit Nunaat, Kommune Kujalleq aamma ...”

Figur aamma tabel-mi paasissutissat kapitali 7-imi tamarmi ataqatigiinngillat, paatsiveqaratik aammalu arlalinni allaat tatiginassuseqaratik! Kapitali pineqartoq tamarmi isorinnittumik misissoqqinneqartariaqarpoq VSB-p tamarmiusup akuersissutigineqannginnerani. Tabel-it assersuunneqarsinnaasussat imminnut ataqatigiinngillat, assersuutigalugu Tabel 7.13-imi Kalaallit Nunaanni sulisuusut tamarmik saqqummiunneqarput, 2010-mi immikkoortukkaartumik, aammalu tabel-imi 7.14-imi arnat aamma angutit immikkoortukkaartumik 2006-imeersut takutinneqarlutik. Takujuminaapporlu qanoq ilillutik tabel-it taakku marluk tamarmik eqqortuunissaat.


Tabel-imi 7.2 Qeqqata Kommunia marloriarluni allanneqarsimavoq Qaasuitsullu Kommunia eqqaaneqarsimanani.

Figur 7-11 –imi graffit nassuiaatitaqanngitsut ilanngunneqarsimapput aammalu oqaasertaani ataani allanneqarsimalluni ” *Tulliullutik ilaapput pinngitsaaliinikkut atoqateqartartut pinnerluuteqartartut agguaqatigiissillugu inuit 356 eqqartuunneqarsimallutik.*” Tassani naatsorsuutigineqarpoq pinngitsaaliilluni atoqatigartartunut taarsiullugu annersaasartut pineqartut.

Tabel-imi 7.16 –imi paasissutissat paatsoorneqarsinnaapput, assersuutigalugu aallassimavoq ”*Nanortalimmi suliffissaaleqisut Qaqortumut sanilliullugit assut qaffariarsimapput*” tamanna tabel-imi takuneqarsinnaanngilaq. Tabel-ip oqaasertaani allassimavoq ”Kalaallit Nunaata kujataani kiisalu Kalaallit Nunaanni agguaqatigiissillugu 2006-imi aamma 2012-imi suliffissaaleqisut amerlassusaat” kisiannili tabel-imi namminerimi allassimalluni kisitsisit 2006-imiit aamma 2010-miit pisuusut.

Tabel-ip 7.18-ip ataani allassimavoq ”arnat suliffissaaleqinermik annikitsuaqqamik eqqorneqartarput”. Tamanna eqqunngitsumik paasisitsinertut taasariaqarpoq suliffissaaqineq tabel-imi atuarneqarsinnaasutut 8,5 %-iummat.

Inussiarnersumik inuulluaqqusillunga


Martha Abelsen
Siulisiulittaasoq